

Script of Evening Gojri News Bulletin 10 January 2025 at 1700 Hrs

ایونٹنگ گو جری نیو ز بلیٹن مو رخہ 10 جنوری 2025

Headlines

- ۱۔ صدر جمہوریہ دروپدی مرمو نے ۸۱ ووں پرواسی بھارتیہ دیوس غا اختتاحی اجلاس تہاڑا گا موقع ور بھارت تو بار رہ ربیا بھارتیہ نانہہ پرواسی بھارتیہ سمان اعزاز سنگ نوازیو ہے۔
- ۲۔ ریلوے غا مرکزی وزیر اشونی ویشنو نے کہیو ہے جے نوی وندے بھارت ریل گڈی جھپڑی جے جموں سرینگر ریل لائن ور چلے گی اس نانہہ ایسا طریقہ کار سنگ تیار کیو گیو ہے جھڑو سخت سردی غا موسم مانہہ سفر کرن آلاں نانہہ راحت دہ گی۔
- ۳۔ وزیر اعلیٰ عمر عبدللہ نے اج جموں گی سیول سکرٹریٹ مانہہ آن لائن آر ٹی آئی پورٹل گو آغاز کیو جس سنگ عام عوام نانہہ سرکاری کماں تک رسائی آسان وے گی۔
- ۴۔ حفاظتی دستہ نے شمالی کشمیر غا ضلع کپواڑہ گا ٹی پی کراں پورہ علاقہ توں اصلہ تے گولہ بارود برآمد کیو ہے۔
- ۵۔ محکمہ موسمیات نے پیش گوئی کی ہے جے جموں غا میدانی علاقہ مانہہ اتے کل ہلکی بارش وے گی تے اسمان ور چڑھ کھندیو رہ گو۔

PREZ PRAVASI BHARAT

صدر جمہوریہ دروپدی مرمو نے اج بھونیشور اوڈیشہ مانہہ ۸۱ واں پرواسی بھارتیہ دیوس گی تقریب کی سدارت کی اس بارے بولتاں واں صدر جمہوریہ دروپدی مرمو نے بھارت کی ترقی مانہہ بھارت توں باہر رہ ربیا بھارتیاں کی ممتاز خدمات خاطر پرواسی بھارتیہ سمن ور مشتمل اعزاز وی تقسیم کیا واضع رہ جے اس تقریب مانہہ مرکزی وزیر ڈاکٹر ایس جے شنکر جوال اورم درمند پردهان اوڈیسا گا گورنر تے وزیر اعلیٰ سمیت کئی دیگر افسر وی موجود تھا۔

ASHWINI NEW VANDE BHARAT

ریلوے غا مرکزی وزیر اشونی ویشنو نے ترقی غا ایک اہم پہلو بارے گل بات کرن غے دوران یو اعلان کیو ہے جے جموں کشمیر ریلوے لائن ور چلن واسطے نوی وندے بھارت ریل گڈی ایک خاص طریقہ کار سنگ تیار کی گئی ہے یہ ریل گڈی درجہ حرارت نانہہ سفر کرن غے دوران برقرار رکھن واسطے ذیلی صفر طریقہ کار سنگ لیس کی گئی ہے جس غی وجہ توں صفر کرن آلا نانہہ سخت سردی غا موسم مانہہ راحت ملے گی مرکزی وزیر جناب اشونی نے مزید کیو جے آتے تہاڑے مانہہ جموں نانہہ ریل لنک غے زریوے کشمیر نال جوڑن غو خواب وی جلد ہی مکمل ہو جے گو مرکزی وزیر نے مزید گل بات کرتا واں کہیو جے اس پروجیکٹ غے زریوے دواں خطہ غے بشکار سفر کرن گو ویلو وی کٹے گو تے نال ہی دواں علاقہ غے درمیان بہتر رابطو وے گو اس سلسلہ مانہہ گل بات کرتا واں ریلوے غا مرکزی وزیر نے گج اس طرح کہیو۔

وزیر اعلیٰ عمر عبداللہ نے اج جموں کی سیول سکرٹریٹ مانہہ آن لائن آر ٹی آئی پورٹل کو آگاز کیو یاد رہے آر ٹی آئی گو مطلب کسے وی سرکاری کم گا عمل بارے پتو لانوں ہے جے یوہ سرکاری کماں کی شفافیت تیجوابدبی نانہہ یقینی بنان خاطر ایک اہم قدم ہے اس پہل سنگ بُن عوام اپنی درکواستاں نانہہ جمع کرواسکے گی تے اس بارے پیش رفت نانہہ آن لائن دیکھ سکے گی جس سنگ فوری جوابات تے شفافیت نانہہ یقینی بنایو جاسکے گو اس، موقع ور وزیر اعلیٰ عمر عبداللہ نے بولتا واں کہیو جے یوہ قدم آر ٹی آئی ایکٹ گے تحت سرکاری معلومات ٹوری آسان رسائی فراہم کرے گو۔

JLK MLA TRAINING

جموں کشمیر قانون ساز اسمبلی گا نواں مُنتخب ہوا رُکناں واسطے منعقد کیو گیو تربیتی پروگرام اج دوجے روز وی جاری رہیو تے اس پروگرام مانہہ قانون سازی کی قیادت نانہہ بابدو دین خاطر بکھ بکھ معاملات ور زور دتو واضع رہے جے اج گا اجلاس کی قیادت لوک سبھا گا ممبر پالیمانی این کے پریم چند رن نے کی اس مقع ور قانون سازی گا بکھ بکھ عملاں ور تفصیلی بات چیت کی گئی جس مانہہ پرائیوٹ ممبر بل تے پالیمانی مالی امداد بارے وی گل بات شامل ہے مہارا نامہ نگار سنگ گل کرتا واں کشتواڑ توں نواں مُنتخب شدہ قانون ساز اسمبلی گا رُکن شگن پرپہار نے اس طرح کہیو۔

DC RAJOURI MY BHARAT PROG

ضلع ترقیاتی کمشنر راجوری ابھیشیک شرما نے ضلع مانہہ مائی بھارت یوتھ انگیجمنٹ پروگرام گا نفاذ ور تبادلہ خیال خاطر ایک میٹنگ کی صدارت کی تے ۲۱ جنوری نانہہ جواناں بارے قومی تہاڑو منان کی تیاریاں گو جائیزو لیو ڈی سی موصوف نے تمام محکماں نانہہ ہدایت جاری کی جے وے میرا یووا بھارت پورٹل ور اور اچ نانہہ یقینی بناویں جہیڑو کے نوجواناں کی ترقی واسطے کم کرن آلی تنظیمیں گے بشکار خلیج نانہہ ختم کرن بارے اہم کردار ادا کرے اُنہاں نے سماج ترقی مانہہ نوجواناں گا کردار ور لو کہلی تے خون گا عطیہ بارے لایا گیا کیمپ سائبر جرائیم بیداری مہیم تے دیگر سرکاری سکیمیں مانہہ شرکت بارے حوصلہ افزائی وی کی۔

KUPWARA RECOVERIES

بھارتی فوج جموں کشمیر پولیس تے بی ایس ایف نے ۷ جنوری توں ۹ جنوری ۲۰۲۵ عے بشکار شمالی کشمیر غا ضلع کپواڑہ گا ٹی ای ای پی ای ای جنگلاں مانہہ ایک پکی سو ملن تیں بعد تلاشی کارروائی کرتا واں ایک بری کامیابی حاصل کی ہے بی ایس ایف کشمیر نے اپنا سماجی میڈیا ہینڈل ور جانکاری دیتا واں دسیو ہے جے اس سانجی کارروائی غے دوران اُنہاں نے مچ تعداد مانہہ جنگی سازوسامان برآمد کیو ہے جس مانہہ ایک پستول ایک میتزین جس سنگ ۸ روئڈ وی شامل ہیں ۵ گرنیڈ تے اے کے ۷۴ گا ۷۲ روئڈ وی شامل ہیں حفاظتی دستہ غی طرفوں اس طرح غا اپریشن چلاو اس گل غی گواہی دے جے حفاظتی دستہ تے جموں کشمیر پولیس علاقہ مانہہ امن امان قائم کرن بارے بہتر کم کر رہیا ہیں۔

JPDCL MD SURYA GHAR

پائیدار توانائی غی پیداوار کرن تے اُس نانہ بدھان خاطر پی ایم سریا گھر مفت بجلی یوجنا نے بجلی سیکٹر مانہ اہم انقلاب آئیو بے بجلی تقسیم کاری کارپوریشن لیمنڈ جموں یعنی جے پی ڈی سی ایل غا مینیجنگ ڈائریکٹر یاسین محمد چودھری نے اس سکیم گا فائدہ نانہ اُجاگر کیو جناب یاسین نے گل بات کرتا واں کہیو جے یہ سکیم ہر گھر مانہ مفت بجلی مہیا کراوے تے اس طرح بجلی غا بلا غو بوجھ وی عوام ور نی پے غو۔جناب یاسین چودھری نیشہریاں نانہ اپیل کی بے جے وے اس سکیم تو فائدو چاغے سستی قیمت ور بجلی غو استعمال کریں تے اپنا مُستقبل نانہ بہتر کریں اس سلسلہ مانہ گل بات کرتا واں جت پی ڈی سی ایل غا مینیجنگ ڈائریکٹر نے کُج اس طرح کہیو۔

WARDEN WILDLIFE

آج ایک نایاب تے اہم کامیابی اُس ویلے لہی جد ضلع راجوری غا سُندر بنی علاقہ مانہ کالی دھار سطح غا جنگلاں مانہ سخت نازک حالات تو دوچار ایک بالغ بھارتی پینگولین نظر آن توں بعد اُس نانہ بچاؤ کاروائی کرتا واں بچایو گیو مارا ضلع نامہ نگار نے خبر توری بے جے بھارتیہ پینگولین غا بچاؤ بارے چلایا جان آلو یوہ آپوریشن بھارتی فوج تے محکمہ جنگلات غی سانجی مدد سنگ کامیاب ہوا ہیں۔مارا ضلع نامہ نگار سنگ گل بات کرتا واں جنگلات تحفظ بارے محکمہ راجوری غا وارڈن امت شرما نے کہیو جے اس طرح غو جانور اس پہاڑی علاقہ مانہ پہلی دفعہ دیکھیو گیو بے گل بات کرتا واں انہاں نے مزید اس طرح کہیو۔

WEATHER HIGHWAY

محکمہ موسمیات نے پیش گوئی کی بے جے اتے کل صوبہ جموں مانہ آسمان ور چھڑ کھنڈیو رہ غو تے جموں گا میدانی علاقہ مانہ ہلکی بارش ہون غا وی امکان ہیں اسے طرح اتے کل مانہ وادی کشمیر غا اچاں علاقہ مانہ کُج ایک مقامات ور برف باری ہوسکے سفر کرن آلا نانہ محکمہ غی طرفوں مشورو دتو گیو بے جے وے وقت ور اپنو سفر شروع کریں تے اپنی اپنی گڈیاں نانہ اپنی لین مانہ رکھیں تانجے ٹریفک جام تو بچیو جاسکے جموں سرینگر قومی شاہراہ ور گڈیاں غی دو طرفہ آؤ جائی رہ گی تے مُغل سڑک برف باری غی وجہ توں اجاں توڑی بند بے۔

ROAD ACCIDENT RAMBAN

ضلع رام بن مانہ ایک المناک حادثہ اندد ایک ٹرک گا کھائی مانہ لہ جان گی وجہ توں دو افراد گی موت واقع ہوگئی بے مہارا ضلع نامہ نگار نے دسیو بے جے فوت ہوا افراد گی شناخت یاسر امتیاز تے دانش گا ناں نال کی گئی بے جہیڑا کے ضلع بارہمولہ گا اک گراں چھجی ہامہ گا ربن آلا ہیں اس واقع گی اطلاعات ملتاں ہی پولیس گی اک نفری نے موقعہ ور پُج گے کاروائی

نانہ شروع کردتو یاد رہے یہ لاش آج سویرے برآمد کی گئیں تے حادثہ کی وجہ بارے پتو لایو
جاریو ہے۔
